



Adresseinformasjon fylles inn ved ekspedering.  
Se mottakerliste nedenfor.

Dato: 30.12.2019  
Vår ref: 18/02289-6  
Deres ref:

## **Tildeling av driftskonsesjon etter minerallova for Kølbotn masseuttak i Fyresdal kommune. Tiltakshavar: J. E. Klausen AS**

Leiv Erikssons vei 39  
Postboks 3021 Lade  
N-7441 Trondheim

**TELEFON** + 47 73 90 46 00

**E-POST** post@dirmin.no

**WEB** www.dirmin.no

**GIRO** 7694.05.05883

**SWIFT** DNBANOKK

**IBAN** NO5376940505883

**ORG.NR.** NO 974 760 282

**SVALBARDKONTOR**

**TELEFON** +47 79 02 12 92

Direktoratet for mineralforvaltning med Bergmeisteren for Svalbard (DMF) visert til  
søknad om driftskonsesjon datert 26. april 2018 fra J. E. Klausen (org. nr. 998 403 359).

### **1. Tildeling av driftskonsesjon**

Direktoratet for mineralforvaltning med Bergmeisteren for Svalbard (DMF) visert til  
søknaden om driftskonsesjon datert 26. april 2018 fra J. E. Klausen AS (org. nr.  
998 403 359). J. E. Klausen AS (org. nr. 998 403 359), heretter kalla «Tiltakshavar» eller  
«Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av fast fjell i Kølbotn masseuttak på del av  
eigedomen gbnr. 36/2 i Fyresdal kommune. Mineralførekomenstn hører til kategorien  
mineral som grunneigaren eig.

Konsesjonsområdet har eit areal på kring 42 daa og går fram av kart «Kølbotn  
masseuttak – konsesjonsområde».

I arealdelen av kommuneplanen er området øyremerk til steinbrot.

**Tildeling av driftskonsesjon erstattar ikkje krav om andre løyve, godkjenning,  
arealavklaring eller konsesjon etter anna lovgiving. Tiltakshavaren er ansvarleg for å  
innhente andre nødvendige løyve.**

### **2. Vilkår for driftskonsesjonen**

Konsesjonen blir gjeven på desse vilkåra:

#### **2.1. Driftsplan**

Drifta skal til ei kvar tid gå føre seg i samsvar med ein driftsplan godkjend av DMF.

Dersom Tiltakshavaren ønskjer å gjere vesentlege avvik frå driftsplanen, skal DMF  
godkjenne dette på førehånd.



DMF kan krevje ny oppmåling og at ajourførte kart og profilar skal sendast inn når DMF finn det nødvendig.

## **2.2. Økonomisk sikkerheit**

Tiltakshavaren blir pålagd å stille økonomisk sikkerheit med NOK 860 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 300 000,-, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Innan 2 månader etter datoén på dette konsesjonsvedtaket skal Tiltakshavaren ha:

- (i) inngått ein avtale om finansiell sikkerheit med DMF;
- (ii) lagt fram påkravsgaranti frå bank som DMF vurderer som tilfredsstillande;
- (iii) etablert pantet til fordel for DMF, jf. pantelova §§ 4-4 til 4-6.

## **2.3. Bergteknisk ansvarleg**

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

## **3. Godkjenning av driftsplan**

DMF godkjenner driftsplanen for Kølbotn masseuttak. Den godkjende versjonen av driftsplanen ligg ved dette konsesjonsvedtaket.

## **4. Høyringsfråsegner med kommentarar frå DMF**

Søknaden om driftskonsesjon har vore på høyring, jf. forvaltningslova § 17, hos Fyresdal kommune, Fylkesmannen i Vestfold og Telemark, Telemark fylkeskommune, Statens vegvesen, NVE, Fyresdal aeroklubb og aktuelle naboer.

Høringsperioden var frå 12. november 2019 til 11. desember 2019. DMF har mottatt høringsinnspele frå Telemark fylkeskommune, Fylkesmannen i Vestfold og Telemark og Statens vegvesen.

Frå høyringsfråsegnene har DMF særleg merkt seg dette:

### Telemark fylkeskommune

Areal og transport

Vi minner om at tildeling av driftskonsesjon erstatter ikke krav om andre løyve, godkjenning, arealavklaring eller konsesjon etter anna lovgiving. Selv om området er regulert til steinbrot i kommuneplanens arealdel, må det lages en reguleringsplan for området.

### Klima, miljø, vannforvaltning

Vi minner om Regional plan for vannforvaltning i vannregion Agder for planperioden 2016-2021. Vannforvaltningsplanen skal legges til grunn for regionale organers virksomhet og for kommunal og statlig planlegging og virksomhet i vannregionen, jamfør vannforskriften § 29. De regionale vannforvaltningsplanene har status som regional plan i medhold av plan- og bygningslovens del III Regional planlegging, og er



hjemlet i vannforskriften. Vannforvaltningsplanen beskriver påvirkninger og tilstand i vannmiljøet, samt miljømål og unntak fra miljømål. Det generelle målet i vannforskriften er at alle vannforekomster skal beskyttes mot forringelse, forbedres og gjenopprettes med sikte på at vannforekomstene skal ha minst god økologisk og kjemisk tilstand. Miljømålene for hver enkelt vannforekomst er bindende. Informasjon om tilstand og miljømål for den enkelte vannforekomst finns på <https://www.vann-nett.no/portal/>.

En av bekkene i Daleåa, bekkefelt (VannforekomstID019-258-R) ligger like på nordsiden av det omsøkte området. Bekkefeltet er registrert med god økologisk tilstand. Selv om et tiltak ikke berører en vannforekomst direkte, skal det vurderes om nærliggende vannforekomst kan bli berørt av inngrepet. Ved planlegging av ny aktivitet eller nye endringer må det tas hensyn til at endringene ikke må føre til forringelse av nærliggende vannforekomster, og at alle praktiske gjennomførbare tiltak må settes inn for å begrense negativ utvikling i eventuelt berørte vannforekomsters tilstand. Det bør vurderes om det er nødvendig å sette krav om avbøtende tiltak som hindrer partikkelavrenning til nærliggende vannforekomst.

Dersom nye inngrep eller ny aktivitet fører til at økologisk og/eller kjemisk tilstand i vannforekomster forringes, eller at miljømål ikke nås, må det vurdere om vannforskriften § 12 skal legges til grunn ved vedtak. I § 12 blir det blant annet lagt vekt på at alle praktiske gjennomførbare tiltak skal settes inn for å begrense negativ utvikling i vannforekomstenes tilstand, og at samfunnensnytten av et nytt inngrep skal være større enn tap av miljøkvalitet. Det er ansvarlig sektormyndighet som må vurdere om vannforskriften § 12 kommer til anvendelse og om vilkårene for å gjøre unntak fra miljømålet, er oppfylt.

#### Hensyn til automatisk freda kulturminner

Vi kjenner ikke til automatisk fredete kulturminner som kommer i konflikt med søknad om driftskonsesjon. Vi vurderer det også som mindre sannsynlig at ikke kjente, automatisk fredede kulturminner er bevart i området, og har derfor ingen merknader til driftskonsesjonen.

Vi vil likevel gjøre oppmerksom på meldeplikten etter kulturminneloven § 8 andre ledd. Meldeplikten oppstår når det oppdages automatisk fredete kulturminner som ikke var kjent på forhånd. Bestemmelsen legger et klart ansvar på tiltakshaver om å følge stanse- og meldeplikten. Tiltakshaver skal forsikre seg om at de som utfører arbeidet på stedet er kjent med stanse- og meldeplikten, men det er tiltakshaver selv som står ansvarlig for at fredete kulturminner ikke skades. Telemark fylkeskommune er rette adressat for en eventuell melding. Om det påvises automatisk fredete kulturminner er det Riksantikvaren som avgjør om arbeidet kan fortsette og vilkårene for det.

#### *DMF sine merknader*

Spørsmålet om det skal krevjast ein reguleringsplan for uttaket eller ikkje, er noe som kommunen som ansvarlig myndighet i forhold til plan- og bygningsloven må ta stilling til. I forhold til regelverk knytt til vannforvaltning, vil DMF påpeke at det her er tale om eit allereie eksisterande uttak som har vært i drift sidan 2005. Dette tyder på at uttaket ikkje påverkar det nærliggande vassdraget på en negativ måte. Det er ikkje lagt opp til økt aktivitet. Når det gjeld omsynet til kulturminner, føreset DMF at tiltakshavar retter seg etter regelverket på dette området.



### Fylkesmannen i Vestfold og Telemark

Det har vært drift i området med uttak av steinmasser siden 2005 da det ble gitt dispensasjon fra kommunedelplan for Fyresdal sentrum til igangsettelse av tiltaket. I 2006 ble området avgitt til råstoffutvinning i kommunedelplanen. Tillatelsen ble fornyet i 2012 da det ble søkt om videreføring av drift i steinbruddet gjennom en etablering av Gevlt Grustak & Entreprenør AS sammen med JE Klausen A/S. Drift i området har foregått i tråd med driftsplan med bestemmelser for området godkjent i Fyresdal kommune den 30. mars 2012.

Fylkesmannens miljøavdeling kan ikke se at tiltaket er i vesentlig strid med de nasjonale interesser vi er satt til å ivareta. Vi har derfor ingen merknader.

### *DMF sine merknader*

DMF tar høringsfråsegnna til etterretning.

### Statens vegvesen

Søknaden gjeld uttak av fast fjell med totalt planlagt volum 100 000 m<sup>3</sup> fordelt over ca. 10 år. Området for masseuttaket er i kommuneplanens arealdel regulert til steinbrot. Vi har ingen merknader til søknaden.

### *DMF sine merknader*

DMF tar høringsfråsegnna til etterretning.

## **5. Korleis DMF vurderer søknaden om driftskonsesjon**

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m<sup>3</sup> masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnmessig prøving før det blir avgjort om det skal gjevest driftskonsesjon. I vurderinga av om det skal gjevest driftskonsesjon skal det leggjast vekt på om søkeren er "skikka" til å utvinne førekomensten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse til å drive førekomensten. I vurderinga av om det skal gjevest driftskonsesjon skal det også leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevest konsesjon.

DMF har vurdert konsesjonssøknaden slik:

### **5.1 Utvinningsrett**

Mineralførekomsten som skal utvinnast tilhører kategorien mineral som grunneigar eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekomensten. Tiltakshavaren har i



søknadsprosessen lagt fram ein avtale med grunneigaren for gbnr. 36/2, som dokumentasjon for utvinningsrett.

Avtalen gjev Tiltakshavaren utvinningsrett til førekomsten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekomsten.

### **5.2 Arealstatus for tiltaket**

Konsesjonsområdet har eit areal på kring 42 daa og går fram av kart «Kølbotn masseuttak – konsesjonsområde».

I arealdelen av kommuneplanen er området øyremerket til steinbrot.

### **5.3 Økonomien i prosjektet**

DMF har vurdert årsrekneskapen med styret si årsmelding og notar for dei siste 2 åra. På grunnlag av opplysningane som er gjevne vurderer DMF bedrifa som økonomisk skikka.

### **5.4 Driftsplan**

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomsten innanfor arealet på 42 dekar som søknaden gjeld. Det totale volumet fast fjell som skal takast ut er estimert til 100 000 m<sup>3</sup>. Det årlege uttaket vil variere med marknaden, men det planlagde uttaket per år er 10 000 faste m<sup>3</sup>. Det er planlagt drift i ein etappe. Utdrivne område som ikkje trengst i den vidare drifta, skal setjast i stand fortløpende. Det blir òg presentert ein plan for sikring og avslutting. Planen er å føre brotområdet tilbake til landbruksformål.

Etter DMF si vurdering kan den vedlagde versjonen av driftsplan for Kølbotn masseuttak godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjonar eller andre endringar i føresetnadene for drifta, til dømes geologiske og kvalitetmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønsker å gjere vesentlege avvik frå driftsplanen, skal DMF godkjenne dette på førehånd.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren



gjer ny oppmåling og at ajourførte kart og profilar skal sendast inn når DMF finn det nødvendig.

### **5.5 Bergfagleg forsvarleg drift**

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemد.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

### **5.6 Kva kompetanse søkeren har til å drive førekomensten**

I vurderinga av om søkeren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Tron Gevelt som bergteknisk ansvarleg for uttaket.

Etter DMF si vurdering har Tiltakshavaren tilstrekkeleg kompetanse til å drive førekomensten.

### **5.7 Miljøkonsekvensar av utvinninga**

I vurderinga av om det skal gjevest driftskonsesjon skal det leggjast vekt på omsynet til miljøet og kulturminne, og DMF kan setje vilkår i konsesjonsvedtak for å sikre kulturminne og miljøomsyn.

Det finst ingen reguleringsplan for uttaket.

#### *Biologisk mangfald – vurdering etter naturmangfaldlova*

Naturmangfaldlova § 7 pålegg alle offentlege instansar som tek avgjelder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyningsfråsegner og eigne søk i Naturbase og Artskart (gjennomførte den 12. desember 2019) er lagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

Det er ikkje gjort spesielle funn ved søk i Artskart eller Naturbase. Fylkesmannen har heller ikkje påpekt noen spesielle funn i området.

Etter DMF si vurdering vil slikt uttak av massar som det er søkt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Etter naturmangfaldlova § 10 skal den samla belastinga på økosystem og naturmangfaldet i regionen vurderast.



Det er her tale om et uttak som har vært i drift sidan 2005. Det er ikkje tale om noen økt aktivitet i uttaket. Av fylkeskommunens høyringsfråsegn kjem det fram at det nærliggande bekkefelt har god økologisk tilstand.

DMF har kome til at det ikkje finst avgjerande moment som talar mot å innvilge konsesjon.

#### **5.8 Forholdet til omgivnadene og nærliggjande område under drift**

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

Det er etablert voll på bruddkanten mot adkomstvegen i øst, i tillegg til anleggsgjerde. Gjerdet vil no bli erstatta med eit permanent gjerde. Området er skiltat ved adkomstvegen i begge retningar. Vegen er stengd med bom frå flyplassen. Det er plassert steinblokkar som sperrar adkomsten frå søraust forbi eksisterande bustad.

DMF har kome til at dette ikkje er avgjerande moment som talar mot å innvilge konsesjon.

#### **5.9 Kva tiltaket får å seie for verdiskaping og næringsutvikling**

Førekomsten det er søkt om driftskonsesjon for fell inn under råstoffgrupperinga sand, grus, pukk og leire (byggjeråstoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg.

Massane frå dagbrotet er godkjende for bærelag og frostsikring på riksveg og er av god kvalitet.

#### **5.10 Langsiktig planlegging for etterbruk eller tilbakeføring av området**

Tiltakshavaren skriv at drifta skal muliggjere at uttaksområda avsluttast og klargjerast for etablering av landbruksformål.

Tilgangen til reinskemassar og øvre massar til revegetering er begrensa. Massane frå området som i dag leggjast opp i vollar som skjermar for støy og innsyn vil brukast til revegetering etter at uttaket er avslutta. Skjæringer og overgangar mot eksisterande terreng vil bli prioritert for revegetering.

Tilpassing og forming av terrenget vil bli gjort på ein slik måte at inntrykket etter avslutta uttak er mest mogeleg avdempa og samsvarande med terregngformasjonane og skogareala i området.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

#### **5.11 Økonomisk sikkerheit**

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelige krava til sikkerheit.



I følgje tiltakshavar vil dei forplikte seg til å avsetje 1 krone per tonn uttatt masse frå og med 1. januar 2018.

### **5.11.1. Pålegg om å stille økonomisk sikkerheit og vurdering av kor stor sikkerheita skal vere**

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekkje Tiltakshavaren si sikrings- og oppryddingsplikt.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 860 000,- for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på sine eigne erfaringstal for tilsvarande uttak, med tillegg for eksterne og uventa kostnader.

### **5.11.2. Form for sikkerheit**

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf. pantelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.

#### *Bankgaranti–oppstartsfasen*

DMF vurderer det som nødvendig at Tiltakshavaren, innan 2 månader etter datoén då konsesjonsvedtaket blei gjort, stiller ein bankgaranti som DMF vurderer som tilfredsstillande som påkravsgaranti for eit beløp på NOK 300 000,-. Dette er nødvendig for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre nødvendige sikrings- og oppryddingstiltak som DMF godtek;
- (ii) Ved konkurs, opphør eller anna avvikling av Tiltakshavaren si verksemد; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldende etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 300 000,-. Når beløpet på bankkontoen har nådd NOK 300 000,-, eller tidlegare etter skriftleg samtykkje frå DMF, fell plikta til bankgaranti bort.

#### *Individuell avsetjing, avsetjingsperiode og storleiken på avsetjinga*



Deretter skal Tiltakshavaren setje inn midlar på bankkontoen årleg fram til totalbeløpet på NOK 860 000,- er nådd. Dei årlege innskota blir rekna ut etter skotsvis på grunnlag av masseuttaket året før. Det skal betalast inn NOK 3,98 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på 8 år, det vil seie NOK 107 500,- per år. I søknaden er det rekna med eit uttak på 10 000 m<sup>3</sup>/år, tilsvarande om lag 27 000 tonn/år, noko som gjev ei årleg avsetjing på NOK 3,98 per tonn.

Innbetalinga for masseuttaket må vere avsett innan 1. februar året etter.

#### **5.11.3. Rapportering og dokumentasjon**

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det nødvendig at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjord, skal tiltakshavaren utarbeide ein rapport og sende den til DMF utan grunnlaust opphald.

DMF kan også ha behov for meir rapportering og dokumentering enn det som er skildra over, og finn det difor nødvendig å påleggje Tiltakshavaren plikter i så måte i konsesjonsvilkåra.

#### **5.11.4. Justering av sikkerheita**

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan også gjerast når som helst ved endringar i minerallova og andre relevante lover, forskrifter og vedtak.

### **6. Korlemping driftskonsesjonen gjeld**

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell også bort dersom:

- utvinningsretten for statens mineral blir sletta
- avtalen om rett til å utnytte førekomst av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld også ved overdraging av utvinningsretten.

### **7. Plikter for tiltakshavaren**

Tiltakshavaren har rettar og plikter som følgjer av minerallova med forskrifter.



### **Meldeplikt ved oppstart og stans av drift**

Seinast éi veke før oppstart av drifta skal tiltakshavaren sende melding til DMF.

Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

### **Drifta skal utførast med varsemd**

Drifta skal utførast med varsemd, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

### **Forsvarleg sikring og opprydding**

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

### **Ansvaret til bergteknisk ansvarleg**

Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekosten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

### **Rapportering**

Tiltakshavaren skal sende årleg driftsrapport til DMF via «Min side» på [dirmin.no](http://dirmin.no).

### **8. Rett til å klage**

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

For nærmare informasjon om minerallova med tilhøyrande forskrifter, sjå heimesida vår på [www.dirmin.no](http://www.dirmin.no). Her finn du og vår digitale kartløysning, som er eit nyttig verktøy for oppdatert informasjon om mineraluttak, bergrettar m.m., supplert med relevante kartdata frå andre etatar.

Med helsing

